

I M P E R I V M T V R C I C V M.



Turcarum meminit Pomponius Mela lib. primo, ubi ait: *Fecundos pabulo juxta Meorim, ad alia steriles nudosque campos tenent Budini. Geloni urbem ligneam habitant. Iuxta Thyrsagetæ Turcæq; vastas sylvas occupant, alunturque*

Turcia finis.

venando. Eosdem agnoscit Plinius lib. vii, cap. vii. Neque est dubium, quin ab his nominis & gentis originem traxerint illi qui longe lateque hodie imperant. Turcia ipsa omnis ab Italia, Germania, Polonia, Moscovitis, Persis, Indis, Abyssinis, ac per universam Africæ oram ad Gades ferè, à Lybia interius, & ab Hispania, Galliæ exterioris: Hadriatico mari, Alpibus, magnis fluminibus, Boristhene scilicet ac Tanai: sylvis, paludibus, continuis montibus, Hyrcano mari, vastis plagis, patentibus arenarum campis, inviis desertis, mediterraneoque iterum separatur. Cetera Rubrum mare & Oceanus ambit, Arabicos sinus & immensa terrarum spatia complectens, iis contermina gentibus, in quas Lusitanorum superioris seculi felix audacia aditum sibi & imperium aperuit. Ad octies mille passuum millia à Venetis usque ad Gades ejus imperii littora per Adriaticum Ægæum ab Europa: Euxinum, & rursus Ægæum ab Asia: Ionium ac reliqua mediterranei sese effundunt. Nec minor terrestres per supradictas regiones est ambitus. Medium quod jacet omne, continuo indiscretoque cursu, dominos solum agnoscit Turcas. Tanta est ejus amplitudo, ut excepta Italia, Gallia, Hispania, Germania, & Sarmatis, cum exigua Hungariæ, Græciæque parte, terrarum omne Romanis olim subjectum, hodie à Turcis teneatur, aliquibus provinciis populisque adjectis, qui Romanorum quidem arma, imperium vero non noverunt.

Origo & successus Imperii Turcici.

Primus apud Turcas rerum potitus est *Ottomannus*, qui *Ottomannus* dicitur, Tartarus natione, miles magni Chami, homo audax, corporis viribus præ ceteris eximius. Hic prætextu injuriarum quarundam secedens à Tartaris, cœpit in Cappadocia montes atque aditus insidere. Habebat initio apud se equites x l. Accessere tum prædæ spe, tum scelus suorum conscientia permoti alii multi, quorum opera, quod clam ante instituerat, palam aggredi cœpit. Occupavit Cappadociam, Pontum, Bithyniam, Pamphyliam, & Ciliciam, regiones opulentissimas. Initium principatus hujus referunt ad annum Christi 1300. Imperaverit annos xxviii. Successit ei *Orchanes*, qui patrium imperium iisdem

Asia.

bus, sed majore opum vi servavit, auxitque, usus imprimis oportunitate Christianorum, animis inter se dissidentium: quo factum est, ut *Myssiam*, *Lycaoniam*, *Phrygiam*, *Cariam* domuerit, *Niceam* obsederit ceperitque, & regnū ad Hellespontum usque protulerit. Contendebant eo tempore inter se *Palæologi* Constantinopolitani cum *Cantacuzeno*. Ratus autem *Orchanes*, quod res erat, fore ut si huic faveret, in Europam accerseretur, trajecit, & viam posteris stravit Europam divexandi. Sub finem vitæ infeliciter cum Tartaris decertans, occubuit, postquam regnasset annos xxxvi. Secutus est hunc filius *Amurathes*, magnus simulandi & dissimulandi artifex, robore animi, laborum tolerantia, disciplina rei militaris majoribus suis par. Anno 1363 *Callipolus* in *Chersoneso* Thracica occupavit: quam statim magna pars Thraciæ sequuta est. Postea devicit *Myssiam*, *Bessiam*, *Triballos*. Denique quum expugnata *Adrianopoli*, *Servia*, *Bulgariæ*que inhiaret, à *Lazaro* *Servia* *Despota* victus occisusque est, anno imperii xxxi. Liberos reliquit *Solimannum*, & *Bajazetum*. *Bajazetus* fratre interemto, rerum potitus, Thraciam omnem sibi subjugare instituit, qua superata animum ad Constantinopolin adjecerat: sed primum *Thessaliam*, *Macedoniam*, *Phocidem*, *Atticam* occupare visum est. *Mylios* quoque, qui hodie *Servii*, *Illyricos*, qui hodie *Bosnenses*, & *Triballorum*, qui *Bulgari* dicuntur, partem reliquam, Principe *Bulgariæ* interfecto, subegit. Iamque Constantinopoleos suburbia spoliaverat, urbemque ipsam octo annos obsederat, quum Hungarorum, Gallorumque, quos Imperator eo nomine in Italiam profectus accersiverat, adventantium copias reformidans, relicta obsidione ad *Nicopolim* iis occurrit, congressus victor evasit, caesis captisque magna ex parte Gallorum ducibus. Occubuit eo prælio *Ioannes* *Burgundiæ* Dux. evasit *Sigismundus* *Hungariæ* & *Bohemiæ* Rex. Elatus rerum successu *Bajazetus*, rursus Constantinopolin contendit, eamque longa triennii obsidione fatigavit, jamque actum erat de obsessis, quum *Tamerlanes* magnus Tartarorum Cham, igni & ferro Asiam totam depopulari, urbes vastare, prædas agere instituit: cujus ille subito terrore evocatus, in *Galatiæ* & *Bithyniæ* finibus aciem instruxit. Pugnatum est adversus signis multam in noctem. *Bajazetus* superatus, captus, aureisque compedibus vinctus in cavea per Asiam à *Tamerlane* traductus fuit. Periere *Turcarum* ducenta millia. Incidit hæc clades in annum Christi 1397. *Bajazetus* cum post triennium desperata liberatione audisset in Tartaros se abducendum, caput validis iteratisque ictibus cavæ ferreæ incussit, & indignantem animum sic emisit, postquam regnasset annos xxi, men=